



# বাংলাদেশ স্কাউটস

অক্টোবর ২০১৮

শ্রবণ  
ডিজিটাল আপডেট



## ২৬তম এ পি আর স্কাউট কনফারেন্সে বাংলাদেশের অর্জন

১৫ থেকে ২০ অক্টোবর ২০১৮ ফিলিপাইনের ম্যানিলায় ফিলিপাইন ইন্টারন্যাশনাল কনভেনশন সেন্টারে এশিয়া প্যাসিফিক রিজিওনাল স্কাউটস এর ২৬ তম কনফারেন্স অনুষ্ঠিত হয়। বাংলাদেশ স্কাউটস এর প্রধান জাতীয় কমিশনার ও দুদকের কমিশনার ডঃ মোঃ মোজাম্মেল হক খান এর নেতৃত্বে ০৬ জন ডেলিগেট, ২৩ জন অবজারভার, ১০ ইয়ুথ মেম্বার, ১৮ জন সফরসঙ্গীর একটি প্রতিনিধিদল এই কনফারেন্সে অংশগ্রহণ করেন।

এই কনফারেন্সে বাংলাদেশ স্কাউটস এর অর্জন:

১) বাংলাদেশ স্কাউটস বিগত তিন বছর (২০১৫ থেকে ২০১৮) ধারাবাহিক স্কাউট সদস্য বৃদ্ধির জন্য এশিয়া-প্যাসিফিক স্কাউট অঞ্চলের ২৭টি দেশের মধ্যে একমাত্র দেশ হিসেবে 'সাসটেইনেবল গ্রোথ অ্যাওয়ার্ড' অর্জন করে। বাংলাদেশ স্কাউটসের পক্ষে



বাংলাদেশ স্কাউটসের প্রধান জাতীয় কমিশনার ও দুদকের কমিশনার (অনুসন্ধান) ড. মোঃ মোজাম্মেল হক খান এই অ্যাওয়ার্ড গ্রহণ করেন।





২) বাংলাদেশ স্কাউটস এর জাতীয় কমিশনার (আন্তর্জাতিক) জনাব মোহাম্মদ রফিকুল ইসলাম খান অংশগ্রহণকারী ২৭টি দেশের ডেলিগেটদের প্রত্যক্ষ ভোটে এপিআর স্কাউট কমিটির সদস্য (২০১৮-২০২৪) নির্বাচিত হয়েছেন। এই কমিটি এশিয়া প্যাসিফিক অঞ্চলে স্কাউটিং এর সর্বোচ্চ নীতি নির্ধারণী পরিষদ। প্রতি তিন বছর পর ৬ বছরের জন্য ৫জন সদস্য নির্বাচিত হয়ে থাকেন। জনাব রফিকুল ইসলাম খান ছাড়াও জাপান, ফিলিপাইন, থাইল্যান্ড ও অস্ট্রেলিয়ার প্রার্থী জয়ী হন।

৩) বাংলাদেশ স্কাউটস, ঢাকা জেলা রোভারের থার্টীন হুসার্স মুক্ত দলের রোভার আনিকা তাহসিন দূর্লভ এপিআর আউটস্ট্যান্ডিং স্কাউট অ্যাওয়ার্ড অর্জন করে। এশিয়া প্যাসিফিক অঞ্চলের ২৭ দেশের স্কাউটদের মধ্য থেকে নানা ধরনের পরীক্ষার মধ্য দিয়ে বেছে

মাত্র ৫ জনকে এই অ্যাওয়ার্ডের জন্য মনোনিত করা হয়। বাংলাদেশ ছাড়াও ফিলিপাইন, মালয়েশিয়া এবং রানার্স আপ হিসেবে ম্যাকাউ ও হংকং এই আওয়ার্ডে সম্মানিত হয়।

৪) বাংলাদেশ স্কাউটস, ঢাকা জেলা রোভারের ক্রিস্টাল ওপেন স্কাউটস ২০০৯ সাল থেকে লালমনিরহাট জেলার মোগলহাট ইউনিয়নের তিনটি চরে হতদরীদ মানুষের জীবনমান উন্নয়নে কাজ করায় “APR Diversity and Inclusion Challenge” প্রতিযোগিতায় এই প্রকল্পের নেতা ও ক্রিস্টাল ওপেন স্কাউটস এর প্রতিষ্ঠাতা, বাংলাদেশ স্কাউটস এর জাতীয় কমিশনার (জনসংযোগ, প্রকাশনা ও মার্কেটিং) জনাব সরোয়ার মোহাম্মদ শাহরিয়ারকে WINNER হিসেবে ভূষিত করে। এপিআর স্কাউটস এই প্রকল্পে তিন হাজার মার্কিন ডলার প্রদান করবে। প্রথমবারের







মত এই প্রতিযোগিতায় এপি অঞ্চলের ১০টি দেশের ১৮টি প্রকল্প অংশগ্রহণ করে।

৫) বাংলাদেশ স্কাউটসের জাতীয় কমিশনার (জনসংযোগ, প্রকাশনা ও মার্কেটিং) জনাব সরোয়ার মোহাম্মদ শাহরিয়ার এশিয়া-প্যাসিফিক আঞ্চলিক স্কাউটের ১৫তম এবং ১৬তম এপিআর ফটো কনটেস্টে ব্রোঞ্জ ক্যাটাগরির অ্যাওয়ার্ড অর্জন করেন। কনফারেন্স চলাকালীন জনাব সরোয়ার মোহাম্মদ শাহরিয়ার এর নিকট অ্যাওয়ার্ড হস্তান্তর করা হয়। তিনি পরপর তিনবার এই অ্যাওয়ার্ড অর্জন করেন।

৬) আগামী তিন বছরের জন্য বাংলাদেশ স্কাউটসের জাতীয় কমিশনার (সাপ্লাই সার্ভিস ম্যানেজমেন্ট ও প্রশাসন) জনাব মোঃ মাহমুদুল হক এপিআর ফাইন্যান্সিয়াল সাব কমিটি, জাতীয় কমিশনার (প্রোগ্রাম) জনাব মোহাম্মদ আতিকুজ্জামান এপিআর প্রোগ্রাম সাব কমিটি এবং জাতীয় উপ কমিশনার (আন্তর্জাতিক) জনাব ফাহমিদা এপিআর কমিউনিকেশন ও পার্টনারশীপ সাব কমিটির সদস্য মনোনীত হয়েছেন।

৭) বাংলাদেশ স্কাউটস এর এমওপি সদস্য কাজী ইসমাইল হোসেন বঙ্গবন্ধু শেখ মুজিবুর রহমান মেডিকেল বিশ্ববিদ্যালয়ের ক্যান্সার ইউনিটে ম্যাসেজার অব পিস কর্মসূচির আওতায় অনবদ্য সেবা প্রদানের জন্য APR Messenger of Peace Hero Award লাভ করেন।





## স্কাউট ট্রেনিং সেন্টার কাম সাইক্লোন শেল্টার এর হস্তান্তর/গ্রহণ



স্কাউটসের জাতীয় কমিশনার, জাতীয় উপ কমিশনার, ফায়েল খায়ের এর কর্মকর্তাগণ উপস্থিত ছিলেন।

অনুষ্ঠানে বক্তব্য রাখেন জনাব মোঃ আবুল কালাম আজাদ, সভাপতি, বাংলাদেশ স্কাউটস ও মুখ্য সমন্বয়ক (এসডিজি), প্রধানমন্ত্রীর কার্যালয়, ড. মোঃ মোজাম্মেল হক খান, প্রধান জাতীয় কমিশনার, বাংলাদেশ স্কাউটস ও মাননীয় কমিশনার, দুর্নীতি দমন কমিশন, জনাব মোঃ মেসবাহ উদ্দিন ভূঁইয়া, জাতীয় কমিশনার (উন্নয়ন), জনাব পল বার্ড, কনসালটেন্ট, ফায়েল খায়ের, জনাব সুফী মোস্তাক আহমেদ, প্রোগ্রাম ডাইরেক্টর, ফায়েল খায়ের। স্বাগত বক্তব্য প্রদান করেন জনাব আরশাদুল মুকাদ্দিস, নির্বাহী পরিচালক, বাংলাদেশ স্কাউটস।

বিগত ৮ অক্টোবর, ২০১৮ তারিখে বাংলাদেশ স্কাউটসের জাতীয় সদর দফতরের শামস হলে বরগুনা জেলার তালতলী উপজেলায় আইডিবি এর অর্থায়নে ফায়েল খায়ের কর্তৃক নির্মিত স্কাউট ট্রেনিং সেন্টার কাম সাইক্লোন শেল্টার এর চাবি হস্তান্তর/গ্রহণ অনুষ্ঠান অনুষ্ঠিত হয়।

হস্তান্তর/গ্রহণ অনুষ্ঠানে উপস্থিত ছিলেন জনাব মোঃ আবুল কালাম আজাদ, সভাপতি, বাংলাদেশ স্কাউটস ও মুখ্য সমন্বয়ক (এসডিজি), প্রধানমন্ত্রীর কার্যালয়, ড. মোঃ মোজাম্মেল হক খান, প্রধান জাতীয় কমিশনার, বাংলাদেশ স্কাউটস ও মাননীয় কমিশনার, দুর্নীতি দমন কমিশন, জনাব মোঃ মেসবাহ উদ্দিন ভূঁইয়া, জাতীয় কমিশনার (উন্নয়ন),

জনাব পল বার্ড, কনসালটেন্ট, ফায়েল খায়ের, জনাব সুফী মোস্তাক আহমেদ, প্রোগ্রাম ডাইরেক্টর, ফায়েল খায়ের। অনুষ্ঠানে বাংলাদেশ



## ময়মনসিংহ অঞ্চলের প্রথম আঞ্চলিক স্কাউট সমাবেশ



বাংলাদেশ স্কাউটস এর সহায়তায় বাংলাদেশ স্কাউটস, ময়মনসিংহ অঞ্চলের ব্যবস্থাপনায় প্রথম আঞ্চলিক স্কাউট সমাবেশ ২৫ থেকে ২৮ অক্টোবর ২০১৮ তারিখে ময়মনসিংহ জেলার মুন্সীগাছা উপজেলার গাবতলী ডিগ্রী কলেজ ক্যাম্পাসে অনুষ্ঠিত হয়। সমাবেশ থীম- “জলবায়ু বিবর্তণ মোকাবেলায় স্কাউটিং”। বাংলাদেশ স্কাউটস, ময়মনসিংহ অঞ্চলের ৪ টি জেলা থেকে ৮টি গার্ল ইন স্কাউট দলসহ মোট ৪৮টি দলের মোট ৩৮৪ জন স্কাউট সদস্য সমাবেশে অংশগ্রহণ করে। ময়মনসিংহ জেলার ১৯টি, জামালপুর জেলার ১২টি, নেত্রকোনা জেলার ১২টি এবং শেরপুর জেলার ০৫টি ইউনিট সমাবেশে অংশগ্রহণ করে। এছাড়া ৪৮ জন ইউনিট লিডার, ২৩ জন সাংগঠনিক কমিটির সদস্য, ২৮ জন রোভার সেচ্ছাসেবক এবং আমন্ত্রিত অতিথিসহ মোট ৫৩০ জন নিয়ে ১ম আঞ্চলিক স্কাউট সমাবেশ অনুষ্ঠিত হয়।

প্রধান অতিথি হিসেবে সমাবেশের উদ্বোধন করেন বাংলাদেশ স্কাউটস এর সভাপতি ও প্রধানমন্ত্রীর কার্যালয়ের এসডিজি বিষয়ক মুখ্য সমন্বয়ক জনাব মোঃ আবুল কালাম আজাদ। বিশেষ অতিথি ছিলেন জাতীয় সাংসদ জনাব মোঃ সালাহ উদ্দিন আহমেদ মুক্তি এবং বিভাগীয় কমিশনার, ময়মনসিংহ জনাব মোঃ মাহমুদ হাসান। সভাপতিত্ব করেন বাংলাদেশ স্কাউটস, ময়মনসিংহ অঞ্চলের সভাপতি ও মাধ্যমিক ও উচ্চ শিক্ষা বোর্ডের চেয়ারম্যান প্রফেসর ড. গাজী হাসান কামাল। উদ্বোধনী অনুষ্ঠানের বক্তব্যে প্রধান অতিথি বলেন- বালক বালিকাদের সুন্দর ও উন্নত মননশীলতা তৈরীর লক্ষ্যে এ ধরনের কর্মসূচি আমরা নিয়মিত করতে পারি। আমাদের মনে রাখতে হবে আজকের শিশুরাই আগামী দিনের ভবিষ্যৎ।

আঞ্চলিক সমাবেশের প্রোগ্রামকে তিন ধরনের কার্যক্রমের ভিত্তিতে প্রণয়ন করা হয়েছিল- ক) শারীরিক কসরত বা খেলাধূলা খ) বুদ্ধিমত্তার

বিকাশ বা শিক্ষামূলক মনন ও গ) স্কাউট দক্ষতা। এই তিনটি বিষয়াবলীর মাধ্যমে একজন স্কাউট নিজের প্রতিভা বিকাশের সুযোগ লাভের মাধ্যমে স্বীয় দক্ষতা সকলের সামনে উপস্থাপনের সুযোগ লাভ করেছে। একজন স্কাউট ভিন্ন ভিন্ন কার্যক্রমে অংশগ্রহণ করে অন্যের সাথে বন্ধুত্ব সৃষ্টিসহ নির্মল আনন্দ উপভোগ করতে পেরেছে। সমাবেশে প্রত্যেক স্কাউট এর প্রতিভাকে ০৬টি কার্যক্রম বা প্রতিযোগিতার মাধ্যমে উপস্থাপনার সুযোগ ছিল যা “আনন্দ” নামে অভিহিত হয়।

মহাতাঁবু জলসা ও সমাপনী অনুষ্ঠান অনুষ্ঠিত হয় ২৭ অক্টোবর ২০১৮। এতে প্রধান অতিথি হিসেবে উপস্থিত ছিলেন বাংলাদেশ স্কাউটস, ময়মনসিংহ অঞ্চলের সভাপতি ও মাধ্যমিক ও উচ্চ শিক্ষা বোর্ডের চেয়ারম্যান প্রফেসর ড. গাজী হাসান কামাল, বিশেষ অতিথি উপজেলা নির্বাহী কর্মকর্তা, মুন্সীগাছা জনাব সুবর্ণা সরকার।



## জাতীয় পর্যায়ে শাপলা কাব ও পিএস অ্যাওয়ার্ড মূল্যায়ন

স্কাউট আন্দোলনের কাঙ্ক্ষিত লক্ষ্য হল শিশু, কিশোর ও যুবদের হাতে কলমে প্রশিক্ষণ দিয়ে তাঁদের দক্ষতা বৃদ্ধির মাধ্যমে আত্মনির্ভরশীল ও যোগ্য মানব সম্পদ হিসেবে গড়ে তোলা। ধাপে ধাপে প্রশিক্ষণ দিয়ে দক্ষতা বৃদ্ধির ধারাকে অব্যাহত রাখার জন্য বয়স ভেদে চাহিদা অনুযায়ী আনন্দমুখর প্রোগ্রামের মাধ্যমে বিভিন্ন বিষয়ের ওপর দক্ষতা অর্জনের স্বীকৃতি স্বরূপ অনুমোদিত ব্যাজ এবং অ্যাওয়ার্ড প্রদান করা হয়ে থাকে। একজন কাব স্কাউট এর সর্বোচ্চ অ্যাওয়ার্ড শাপলা কাব অ্যাওয়ার্ড। এই অ্যাওয়ার্ড গণপ্রজাতন্ত্রী বাংলাদেশ সরকারের মাননীয় প্রধানমন্ত্রী, বাংলাদেশ স্কাউটসের সভাপতি এবং প্রধান জাতীয় কমিশনার এর স্বাক্ষর সম্বলিত একটি সনদপত্রসহ অনুষ্ঠানিকভাবে এই অ্যাওয়ার্ড প্রদান করা হয়।

বাংলাদেশ স্কাউটস এর স্কাউট বয়সীদের সর্বোচ্চ অ্যাওয়ার্ড প্রেসিডেন্ট'স স্কাউট বা পিএস অ্যাওয়ার্ড। অ্যাওয়ার্ড প্রাপ্তদের গণপ্রজাতন্ত্রী বাংলাদেশের মহামান্য রাষ্ট্রপতি ও চীফ স্কাউট, বাংলাদেশ স্কাউটসের সভাপতি এবং প্রধান জাতীয় কমিশনার এর স্বাক্ষর সম্বলিত একটি সনদপত্রসহ অনুষ্ঠানিকভাবে এই অ্যাওয়ার্ড প্রদান করা হয়। রোভার স্কাউট বয়সীদের সর্বোচ্চ অ্যাওয়ার্ড প্রেসিডেন্ট'স রোভার স্কাউট বা পিআরএস অ্যাওয়ার্ড। অ্যাওয়ার্ড প্রাপ্তদের গণপ্রজাতন্ত্রী বাংলাদেশের মহামান্য রাষ্ট্রপতি ও চীফ স্কাউট, বাংলাদেশ স্কাউটসের সভাপতি এবং প্রধান জাতীয় কমিশনার এর স্বাক্ষর সম্বলিত একটি সনদপত্রসহ



অনুষ্ঠানিকভাবে এই অ্যাওয়ার্ড প্রদান করা হয়। যে কারণে শাপলা কাব অ্যাওয়ার্ড, প্রেসিডেন্ট'স স্কাউট অ্যাওয়ার্ড ও প্রেসিডেন্ট'স রোভার স্কাউট অ্যাওয়ার্ড অর্জন করতে তারা হয়ে থাকে ব্যাকুল।

শাপলা কাব অ্যাওয়ার্ড ও প্রেসিডেন্ট'স স্কাউট অ্যাওয়ার্ড অর্জনের পদক্ষেপ হিসেবে বাংলাদেশ স্কাউটস জাতীয়ভাবে ২৬ অক্টোবর, ২০১৮ তারিখে সারাদেশের ৮৬টি কেন্দ্রে একযোগে শাপলা কাব অ্যাওয়ার্ড, প্রেসিডেন্ট'স স্কাউট অ্যাওয়ার্ড এর লিখিত ও সাঁতার মূল্যায়ন কার্যক্রম গ্রহণ করা হয়। চলতি বছর ৩৪০৫ স্কাউট প্রেসিডেন্ট'স স্কাউট অ্যাওয়ার্ড এবং ২৯৫২ জন কাব স্কাউট শাপলা কাব অ্যাওয়ার্ড মূল্যায়ন কার্যক্রমে অংশগ্রহণ করে। এই মূল্যায়নে উল্লীর্ণদের পরবর্তীতে কাব স্কাউটদের জন্য ব্যক্তিগত সাক্ষাৎকার এবং স্কাউটদের জন্য জাতীয় পর্যায়ে আয়োজন করা হবে মূল্যায়ন ক্যাম্প। এই ক্যাম্পে তাদের অর্জিত দক্ষতা, পারদর্শিতা, ব্যবহারিক এবং ব্যক্তিগত স্বাক্ষাতকার মূল্যায়নের করা হবে। আবাসিক এই ক্যাম্পে তাঁবু বাসের পাশাপাশি স্কাউটরা তাদের অর্জিত জ্ঞান, নৈপুণ্য ও ব্যক্তিগত দক্ষতা প্রদর্শন করতে সামর্থ্য হলে প্রেসিডেন্ট'স স্কাউট অ্যাওয়ার্ড ও প্রেসিডেন্ট'স রোভার স্কাউট অ্যাওয়ার্ড অর্জনের জন্য চূড়ান্তভাবে নির্বাচন করা হবে।





## ৬১তম জাম্বুরী অন দি এয়ার (জোটা) ও ২২তম জাম্বুরী অন দি ইন্টারনেট (জোটি)



বিশ্ব স্কাউট সংস্থা এর পরিচালনায় ব্যাপক উৎসাহ ও উদ্দীপনায় ২০-২১ অক্টোবর ২০১৮ বাংলাদেশসহ সারা বিশ্বের মোট ১৬৯টি দেশে একযোগে অনুষ্ঠিত হয় ৬১তম জাম্বুরী অন দি এয়ার (জোটা) এবং ২২তম জাম্বুরী অন দি ইন্টারনেট (জোটি)। তথ্য প্রযুক্তির সর্বোত্তম ব্যবহার করে ১৬৯টি দেশের স্কাউট ও রোভার স্কাউটগণ এ কার্যক্রমে অংশগ্রহণ করে। বাংলাদেশ স্কাউটসের পরিচালনা ৬১তম জোটা ও ২২তম জোটি বাস্তবায়ন করার লক্ষ্যে দেশের সকল জেলা, জেলা রোভার ও উপজেলা স্কাউটস এ একযোগে ৬১তম জোটা (জাম্বুরী অন দ্য এয়ার) এবং জাতীয় সদর দফতরসহ ১৬টি স্থানে ২২তম জোটি (জাম্বুরী অন দ্য ইন্টারনেট) অনুষ্ঠিত হয়। জোটা ও জোটের সিডিউল মোতাবেক দুই দিনে চারটি শিফটে দেশব্যাপী বিশ হাজার স্কাউট ও রোভার স্কাউটগণ সক্রিয়ভাবে অংশগ্রহণ করে। এছাড়াও তথ্য প্রযুক্তির সুবিধা রয়েছে এমন স্কাউট ও রোভার স্কাউটরা নিজ নিজ বাসায় বসে অন লাইনে জোটিতে অংশগ্রহণ করেন।

২০ অক্টোবর ২০১৮ জাতীয় সদর দফতরের শামস হলে ৬১তম জোটা ও ২২তম জোটি এর আনুষ্ঠানিক উদ্বোধন করেন বাংলাদেশ স্কাউটস এর জাতীয় কমিশনার (প্রশিক্ষণ) জনাব মোঃ মহসিন, এলটি। অনুষ্ঠানে সভাপতিত্ব করেন বাংলাদেশ স্কাউটস এর জাতীয় উপ কমিশনার (স্পেশাল ইভেন্টস) মীর্জা আলী আশরাফ। জাতীয় সদর

দফতরে ১ম দিনে দুই শিফটে ২৮০ জন এবং ২য় দিনে দুই শিফটে ১০০ জন স্কাউট ও রোভার স্কাউট অংশগ্রহণ করে। জাতীয় সদর দফতরের পাশাপাশি ক্যামব্রিয়ান স্কুল এন্ড কলেজ, সামছুল হক খান স্কুল এন্ড কলেজ, কদমতলী স্কুল, সরকারী গ্রাফিক আর্টস ইনস্টিটিউট, বি,এন স্কুল এন্ড কলেজসহ আঞ্চলিক স্কাউট প্রশিক্ষণ কেন্দ্র, যশোর, চট্টগ্রাম মেট্রো:, সিরাজগঞ্জ, ব্রাহ্মণবাড়ীয়া, মুন্সীগঞ্জ, নারায়নগঞ্জ, নরসিংদী, ফরিদপুর, লক্ষীপুর ও খুলনায় অ্যামেচার রেডিও স্টেশন স্থাপন করা হয়। অ্যামেচার রেডিও এর মাধ্যমে স্কাউট/রোভার স্কাউটবৃন্দ দেশ ও দেশের বাইরের স্কাউটদের সাথে শুভেচ্ছা বিনিময়ের সুযোগ লাভ করে। জাম্বুরী অন দ্য এয়ার বাস্তবায়নে বাংলাদেশ স্কাউটসকে সার্বিকভাবে সহায়তা করে অ্যামেচার রেডিও সোসাইটি অব বাংলাদেশ এর সদস্যবৃন্দ।

বাংলাদেশ স্কাউটস এর উদ্যোগে ১৩ অক্টোবর ২০১৮ জেলা ভিত্তিক স্টেশন অপারেটরদের নিয়ে দিনব্যাপী প্রি-জাম্বুরী ওরিয়েন্টেশন অনুষ্ঠিত হয়। ওরিয়েন্টেশনের উদ্বোধন করেন বাংলাদেশ স্কাউটস এর ভারপ্রাপ্ত প্রধান জাতীয় কমিশনার জনাব মোঃ মাহফুজুর রহমান, বিশেষ স্কাউট ব্যক্তিত্ব বাংলাদেশ স্কাউটস এর জাতীয় কমিশনার (স্পেশাল ইভেন্টস) ও সচিব, রেলপথ মন্ত্রণালয় জনাব মোঃ মোফাজ্জেল হোসেন। জাতীয় উপ কমিশনার (স্পেশাল ইভেন্টস), বাংলাদেশ স্কাউটস ডাঃ মোহাম্মদ শাহরিয়ার রহমান ওরিয়েন্টেশন এর সার্বিক তত্ত্বাবধানের দায়িত্বে নিয়োজিত ছিলেন।





## ৩৯তম সহকারী লিডার ট্রেনার কোর্স



বাংলাদেশ স্কাউটস এর পরিচালনায় গত ২৭ সেপ্টেম্বর - ০৩ অক্টোবর ২০১৮ পর্যন্ত জাতীয় স্কাউট প্রশিক্ষণ কেন্দ্র, মৌচাক, গাজীপুর ৩৯তম সহকারী লিডার ট্রেনার কোর্স (সিএএলটি) অনুষ্ঠিত হয়।

সহকারী লিডার ট্রেনার (সিএএলটি) কোর্সে ৩৫জন পুরুষ ও ১৫জন মহিলা প্রশিক্ষণার্থীসহ মোট ৫০জন প্রশিক্ষণার্থী অংশগ্রহণ করেন। কোর্স লিডারের দায়িত্ব পালন করেন স্কাউটার মোঃ মহসিন, এলটি, জাতীয় কমিশনার (প্রশিক্ষণ), বাংলাদেশ স্কাউটস। কোর্স পরিচালনায় ১৩ জন পুরুষ ও ০৩ জন মহিলাসহ মোট ১৬জন প্রশিক্ষক হিসেবে সহায়তা প্রদান করেন। কোর্সে প্রশিক্ষক হিসেবে সহায়তা প্রদান করেন স্কাউটার প্রফেসর ড. নির্মল কান্তি মিত্র এলটি, স্কাউটার মোঃ আবদুস ছাত্তার এলটি, স্কাউটার মোঃ খায়রুজ্জামান চৌধুরী এলটি, স্কাউটার মোঃ কামাল উদ্দিন এলটি, স্কাউটার প্রফেসর আব্দুল মজিদ এলটি, স্কাউটার মোঃ মোজাহেদ হোসাইন এলটি, স্কাউটার মোঃ দেলোয়ার হোসাইন এলটি, স্কাউটার মোঃ আরিফুজ্জামান এলটি, স্কাউটার এএইচএম মুহসিনুল ইসলাম এলটি, স্কাউটার মোঃ শামীমুল ইসলাম, এলটি, স্কাউটার ছালেহা বেগম এলটি, স্কাউটার আলম আরা

শাহী এলটি, স্কাউটার প্রফেসর শাহানারা বেগম এলটি, স্কাউটার মোঃ হামজার রহমান এএলটি এবং স্কাউটার মোঃ ইকবাল হাসান।

বাংলাদেশ স্কাউটস এর সহ-সভাপতি জনাব মোঃ হাবিবুল আলম, বীর প্রতীক কোর্সে প্রশিক্ষণার্থীদের সাথে মতবিনিময় এবং স্কাউটিং এর দিক নির্দেশনা প্রদান করেন। জাতীয় কমিশনার (আন্তর্জাতিক) জনাব মোহাম্মদ রফিকুল ইসলাম খান এলটি একটি সেশন পরিচালনা করেন ও প্রশিক্ষণার্থীদের সাথে মতবিনিময় করেন। এছাড়া নির্বাহী পরিচালক জনাব আরশাদুল মুকাদ্দিস, এলটি একটি সেশন পরিচালনা করেন ও প্রশিক্ষণার্থীদের সাথে মতবিনিময় করেন। এছাড়া তৌহিদ উদ্দিন আহমেদ, এলটি কোর্সের প্রশিক্ষণার্থীদের সাথে মতবিনিময় করেন। সোশ্যাল নাইটে প্রধান স্কাউট ব্যক্তিত্ব হিসেবে উপস্থিত ছিলেন বাংলাদেশ স্কাউটস এর প্রোগ্রাম বিষয়ক জাতীয় কমিটির সভাপতি জনাব মোঃ শাহ আলম, এলটি। বিশেষ অতিথি হিসেবে উপস্থিত ছিলেন জাতীয় নির্বাহী কমিটির সদস্য জনাব একেএম ইসতিয়াক হুসাইন, এলটি। আরও উপস্থিত ছিলেন জাতীয় উপ কমিশনার (অ্যাডাল্ট রিসোর্সেস) জনাব শরীফ আহমেদ কামাল, এলটি।





## মুক্ত স্কাউট গ্রুপ উন্নয়ন বিষয়ক কনফারেন্স



বাংলাদেশ স্কাউটস এর এক্সটেনশন স্কাউটিং বিভাগের উদ্যোগে ২৭ অক্টোবর, ২০১৮ বাংলাদেশ স্কাউটস এর জাতীয় সদর দফতরের শামস হলে দিনব্যাপী মুক্ত স্কাউট গ্রুপ উন্নয়ন বিষয়ক কনফারেন্স-এর আয়োজন করা হয়। কনফারেন্সে বাংলাদেশ স্কাউটস এর বিভিন্ন অঞ্চল থেকে মুক্ত স্কাউট দলের সভাপতি/সম্পাদকগণ অংশগ্রহণ করেন। মোট ৯৩ জন মুক্ত দলের সভাপতি/সম্পাদক বর্ণিত কনফারেন্সে অংশগ্রহণ করেন। কনফারেন্সের উদ্বোধনী অনুষ্ঠানে জাতীয় কমিশনার (উন্নয়ন) জনাব মোঃ মেজবাহ উদ্দিন ভূইয়া প্রধান অতিথি হিসেবে উপস্থিত থেকে কনফারেন্সের শুভ উদ্বোধন করেন। এ সময় বাংলাদেশ স্কাউটস এর জাতীয় কমিশনার কাজী নাজমুল হক, জাতীয় কমিশনার (এডাল্ট রিসোর্সেস) জনাব ফেরদৌস আহমেদ এবং নির্বাহী পরিচালক (ভারপ্রাপ্ত) জনাব আরশাদুল মুকাদ্দিসসহ জাতীয় উপ কমিশনারসহগণ উপস্থিত ছিলেন। মুক্ত স্কাউট গ্রুপ পরিচালনায় একটি নীতিমালা তৈরি, দল পরিচালনায় বিভিন্ন সমস্যা চিহ্নিতকরণ এবং সমাধানের উপায় নির্ধারণ করাসহ মুক্ত দলের কার্যক্রমকে আরো দৃশ্যমান করা ইত্যাদি বিষয়ে দিনব্যাপী আলোচনা করা হয়।



### যদি আরও জানতে চান...

অফিসিয়াল ফেইসবুক পেজ:  
[www.facebook.com/bangladeshscouts](http://www.facebook.com/bangladeshscouts)

ক্লিক করুন:  
[www.scouts.gov.bd](http://www.scouts.gov.bd)

### নোটিশ বোর্ড

বাংলাদেশ স্কাউটস ইনবক্সে  
স্কাউটিং সম্পর্কিত সংবাদ,  
প্রতিবেদন এবং ছবি  
পাঠানোর ঠিকানা

বাংলাদেশ স্কাউটস, জাতীয় সদর দফতর  
৬০, আঞ্জুমান মুফিদুল ইসলাম রোড  
কাকরাইল, ঢাকা-১০০০।

ফোন : ০২ ৯৩৩৩৬৫১

মোবাইল : ০১৭১২-৮৬৪১১৫

ই-মেইল :

[ncshahriar@yahoo.com](mailto:ncshahriar@yahoo.com)

[probangladeshscouts@gmail.com](mailto:probangladeshscouts@gmail.com)

### সম্পাদনা পরিষদ

#### প্রধান উপদেষ্টা

ড. মোঃ মোজাম্মেল হক খান  
প্রধান জাতীয় কমিশনার

#### সম্পাদক

সরোয়ার মোহাম্মদ শাহরিয়ার

জাতীয় কমিশনার (জনসংযোগ, প্রকাশনা ও মার্কেটিং)

#### প্রকাশক

আরশাদুল মুকাদ্দিস

নির্বাহী পরিচালক (ভারপ্রাপ্ত)

#### নির্বাহী সম্পাদক

মোঃ মশিউর রহমান

উপ পরিচালক (জনসংযোগ ও মার্কেটিং)

#### প্রকাশনায়

জনসংযোগ, প্রকাশনা ও মার্কেটিং বিভাগ  
বাংলাদেশ স্কাউটস